

Dèwà Sɛ Pôl Kɔɛ Lè ñkwìn Bwum Yesù Kristò Ye Filîb

Mè hwæsi

1 ¹ Mùn Pôl ðwi' lè Timòtê ɓe mè cikpu' Yesù Kristò, ðwi' ɓe ta ɓyin dèwà ton se koi. 'Bwi' ta son koi lè ɓyin ɓe ñkwìn ɓwum Yesù Kristò ye ke Filîb, ye ɓætâ lè Yesù Kristò. 'Bwi' konndi tì ku' koi lè ɓwumɲkàm ke nyenswàɓ nyin, lè ɓwum ɓye ta she cǐ kwe. ² Ce ndwun nye' Mvènnswàɓ ɓon lè Nyeli nye' Yesù Kristò ñgànni ɓyin, ɓe fe ɓyin flɔa.

Mwù ñkeli Pôl ke nywi ñkwìn ɓwum Yesù Kristò ye ke Filîb

³ Mùn tǎ Mvènnswàɓ osòkò' yili ntwi' yin yì kwan hwæn ye mùn tǎ le' shin ɓùn. ⁴ Mùn tǎ tòn lè ñlim lwen yì kwan hwæn ye mùn tǎ ɓe mùn kelâ Mvènnswàɓ lè jin shin. ⁵ Mùn tǎ Mvènnswàɓ osòkò' yili, ntwi' se ɓyin ɓætâ lè mùn ke she nshě Ntwum Lwen nun, ñwa' ye ñgyìn zwimbyi' ne ɓyin ðunme ñlim ðyili ke nywi Yesù Kristò, han a kiin ɓèn jene. ⁶ Mùn limmi seansean le Mvènnswàɓ ne ðunme she lwen cǐ ke me nlim nyin nun, à ywime she màzwùm kènnzi mbyimbyî, se kwannzi mwù, a ken ɓèn mmlòkà' nywɔ' ne Yesù Kristò ywime fyònni. ⁷ À si wòli le mùn fòkà' li ke ntwi' yin. 'Byin ɓi mùn ke nlim, ntwi' ñgànni fɔ' ye Mvènnswàɓ ñgànni mun, à ñgànnâ tì ku' ɓyin. Son se ci, ɓyin ta mun kpea jene fe nye njè, kwo fe' ke ndyi shitàkwù Ntwum Lwen ye mùn ɓe ðyi le à yi leɲkàm. ⁸ Mvènnswàɓ ni shitàkwù le mùn yili ɓyin leɲkàm, ñyili ye mùn yili ɓyin nun ta ku' wai nywi Yesù Kristò nun ne'.

⁹ Ywòèni fe' swum se mùn tǎ Mvènnswàɓ keli lè jin shin. Mùn tǎ nun keli le à ci ɓyin yili ɓwùlukwæn mbyimbyî ke nyinnim shin nun. À ci tì ku' ke nyili màzwùm nun, ɓyin fosi leɲkàm limmi, ɓyin limmi tì ku' ñkě ñkyiili ke nyinnim me le' mɓyibɓa lè nyě ñlwukea, ¹⁰ ɓǎ ɓyin yæn mè le' ñlwukea. Li, nywɔ' ne Yesù Kristò yě fyònni, mè nlim nyin ɓe ñsanmea; ɓa ɓyin ɓe lè ɓyebbi ndɔ' nywi. ¹¹ Mè kíkàen nyin yě tì ku' ɓe ñlwukea kwan mèan hwæn. ñkimmɔ' ncinni mè kíkàen ñlwukea màzwùm hwæn yě wa' ke ñkimmɔ' Yesù Kristò nun. Li ne ywime cǐ ɓwum sakà' Mvènnswàɓ, ɓe twuli nun.

Yesù Kristò ni mwum ne làn ywum hwæn ye ñgyó' wan

¹²Mè ñgyinni byêm, mún yili le byin limmi le mè le' ne cinni mun fe tèt' kan le' Mvènnswæb be nyè, à fyón cì se ken mbyí. ¹³Mè le' ni ne ci mè suzæn hwæn bye ta nye gwemná bõn, lè bwum mèan ndò' tì ku' limmi le mún ni nye njè ntwi' se mún ni mwum Yesù Kristò. ¹⁴A konndi tì be ke ñkè ye be ke mun nye njè ye, ye feâ tì ku' ñkimmò' lè mè ci-ndwon mbyi Nyeli nye' Yesù Kristò ñzwõnzwò'. Yi tà ka tí bon kwènni, be ti le' Mvènnswæb sannzi mwù zwò.

¹⁵Mún limmi seansean le byindò' ta le' Yesù Kristò sannzi lè bon ci mbànni lè mún. Ti ku' ke fya' ndò' nun, bye ta le' shon shè lè ñlim fò', à bi tì ku' kwe. ¹⁶Bon bi ta le' Mvènnswæb shè lè ñlim fò' li ntwi' se be yili mún. Be limmi le Mvènnswæb fyi mún fe bǎ mún ðyi, mún lisà' le Ñtwum Lwen yi swum se ðyi leñkæm. ¹⁷Bye ta mbànni cǐ lè mún bi, be ta le' Yesù Kristò sannzi bǎ bon cinni ñtwu, be lan mún. Le' se bon ta le' hwæn cinni kan cǐ tòn ke me nlim nyan nun, se su' ke ñwum. Be ta shè li, bǎ bon konndi mún vèñ' fe nye njè.

¹⁸Son, nywi kwènnâ kan mún. Kwo be she fe' lè mbàkǎ' byebbi nlim, shindò' be she lè mbàkǎ' lwen, swum twun si le le' Yesù Kristò ta fòsi kènnò' mbyí. Mún kè kan le' byebbi ndò' nlim lè ntwi' màzwùm, mún tá fòsi dàli mbyí nún. ¹⁹Ntwi' se mún limmi le ke ywum màzwùm nun hwæn, Mvènnswæb yè mún nywæsi nun ntwi' mè ñkeli ne byin ta keli lè ntwi' yêm, lè ñkpa' ye Mpùn Yesù Kristò tà mún kpea. ²⁰Swum se ñlim ta mun fòsi ðyi ke nlim lwen, à si le kwènnjin bǎ mun bænni ke swi' bwum. Mún yè fyón tòn lè mbònnǎ' le ba ñlim sænni mún, mún ton kwan hwæn wè tà she mún tòn jene lè mún lisà' bwum ke mbòkì tòn nyèm nun hwæn le Yesù Kristò ni ñdwun; mún ne be fe' lè me', kwo mún ywi fe' nún. ²¹Ti lè mún, kwan se mún ke lè me', Yesù Kristò ne swum ñkæmñkæm shêm. Ywi ni cì shêm wè dâsi nyè làn fe' ñzison ñgyó' wan. ²²Beshe ñgyìn yêm keó' mbyí, mún wòli mún cì tì she ndò' she ywime bwum kpea. Li, mún ni mè nyinnim, mún limmi kan fyà' ye mún yè yæn. ²³Mún ni mè nyinnim li, swum se mún yili lwen à si ywi, bǎ mún ken tòn mban bwi' lè Yesù Kristò. Son si se lwu se lan tòn she fe ñgyó' wan. ²⁴Son, tòn shêm ke ñgyó' wan nun si tì ku' lwen ñzwõnzwò', bǎ mún kpa' byin. ²⁵Mún kènnâ yen be le mún ke fe' tòn wan nún. Mún yè fe' tòn bwi' lè byin mbanmban bǎ byin hwæn, byin fòsi mè nlim nyin ðyili mbyí ke nywi Mvènnswæb, byin konndi tì ku' tòn lè ñdàli ke ndyili nlim màzwùm nun. ²⁶Li, kwan se mún kà kwankǎ' nye njè, bwi' ywime tì cinnèni be; byin ye Yesù Kristò twuli mbyimbyí, ntwi' se mún bènnâ nsòn yin.

²⁷Ñgyi swum ne byin ywime cì à ni le, mbòkì tòn nyin be swum se ywime lisà' le byin ta ñlim kè lè Ñtwum Lwen ye ke nywi Yesù Kristò. Mún yili le kwan se mún ywime byin kǐn yenni, shindò' mún ne shi fe'

kìn, mùn ywɔ' le byin d̄yi kimmi ke mbyi Mvènnswàb nun, byin ta su' tòn ñwum fɔ' lè b̄wùlu, byin d̄wi ti ku' twù' lè ñlim fɔ' b̄ã Ñtwum Lwen kennò' mbyí. ²⁸Ba byin yi tì mè ci-byinnzì byin, kwo fe' ke ya mbyi nun. Kwan se a ye be byin tà ka tí bon yi, a ywime bon ñlimmì cì le be ti b̄wum bye b̄wua nùn, byin be ku' làn nyin b̄wum be Mvènnswàb swætâ. Mvènnswàb ne ywime bon ñlimmì màzwùm cì. ²⁹Ke kwènnzì nlim se Mvènnswàb kwènnzâ lè byin, à wò byin mbyi lè byin dwon Yesù Kristò, a su' kan seansean ñd̄yili nlim ye byin d̄yili nywi yon, à si tì ku' le byin yen vènè' lè ntwi' yon. ³⁰Ke à si li, byin duân twù' mbɔ' ne mùn tã d̄wi. Ñd̄wi twu' màzwùm yi ye byin yenne mun be d̄wi wě tà she byin ta ywɔ' jene fya' le mùn tã d̄wi.

Dwoènnì Yesù Kristò ke me mbàkà' nyon nyě nun cinne nun

2 ¹Mbæti ye byin bi bæti lè Yesù Kristò tètì kan byin zwùm? Ñyili yon ye nun tà byin yili feã kan byin kpæm me'? Mpùn Nsanmi ti kàn byin nywi? Kwènnzì nlim lè b̄wùlu duân kãn nyinnim shin nun? Byin ti kan b̄wùlu yili nùn? ²Ke byin ti nyinnim ywum màzwùm hwæn li, f̄sèni mùn ñlim lwuli mbyí ke tòn ñwum fɔ' nun, byin yili b̄wùlu, ba ñlim ndɔ' be kyí, byin kennzì ywum hwæn lwen, ñkyìlli læki be nyinnim shin nun. ³Ba byin suku' lwen nyě byin ne' f̄d̄kea, shìki byin twuli ku' byin ne', fyòènnì byin ne' tweli ñgyɔ', byin ce b̄wùlukwæn wě b̄wum bye lan byin nùn. ⁴Mwum hwæn ci swum se woli se kpa' lwikwæn. Ba byin suku' byin ne' nyæmmi. ⁵Dwoènnì mbòkì Yesù Kristò ke me mbàkà' nyon nyě nun cinne hwæn nun. ⁶Tòn shon be le, kwo fe' she nun ni swum fɔ' bon lè Mvènnswàb si, à be kãn mbànni cì lè Mvènnswàb. ⁷Son, à donnze pa' tòn màzwùm mbeti, à lànnzì mwum shon ke ñgyɔ' wan wě b̄wi', à fyòsi nun ne' lè ci-she Mvènnswàb. Kwan se nun be mwum wě b̄wi', ⁸à fyòse nun ne' be ñgyɔ', à ywɔli Mvènnswàb, li han a ken bèn ke ywi nun, kwo fe' ywi vènè' nyě be ywummœ nun ke ñgæ' mè b̄ɔɔ' zwêm. ⁹Li ne ci, Mvènnswàb twuli nun à làn ywum hwæn, à kè nun jin she lan b̄wùlu mè myin hwæn, ¹⁰bã b̄wum hwæn bye ke d̄eb lè bye ñgyɔ' wan, kwo fe' bye ñgyɔ' ñji, kwan se bon ywime jin Yesù ywo, be kiin swummi ke swi' shon, be twuli nun. ¹¹Kwo wen ywime shè lè ñwum yon le Yesù Kristò ni Nyeli b̄wum hwæn. Li, be ye kònnɔ' Ce Mvènnswàb twuli.

Mè ci-ñkè nlim lè Yesù Kristò bi wě ñwanñwan

¹²Me ñgyinni byêm, ke byin yennâ ñywɔli ye Yesù be ywɔli lè Mvènnswàb, se yili le byin be ywɔli wě mbòki kwan se mùn be b̄wi' lè byin. Jene ne mùn b̄ã tí b̄wi' lè byin, ywɔlèni tì se lan li. Ñywɔli màzwùm yi le, ke nswæti ye Mvènnswàb swætâ byin nun, se yili le byin ci ku' she se ye lisà' le byin swælâ, ba byin b̄wæti mwù lè ñlisà' nswæti yin. ¹³Ntwi' se Mvènnswàb ne ta byin d̄yi nyè, byin kà yili ywum ye ta nun ñlim lwukea,

à fe tì ku' byin kim ncí ywum màzwùm. ¹⁴Ke me she nyin ne byin ta cì nun hwæn, ba byin ngunnà' b̀wùlu, shìkì byin pyisì ku' mè le', ¹⁵byin làkì be lè byebbi ndo' nywi, son, bǎ byin be sanmea, byin be b̀wen Mvènnswàb bye cinni kan d̀em ndo' nywi. Byin bi nyinnim b̀wum be cinni mè ñwum m̀bi-m̀bi, bye ta mbyi mbyebbi d̀won, ke nyinnim shan byin bi wé ñwanñwan, ¹⁶byin ta bon ñzǎ' le' ye ta b̀wum ñzison ñkǎmñkǎm fe sannzi. Beshe byin ci li, ñgyin ne Yesù Kristò ywime fyònní, m̀n ywime dàli ke swi' shon ntwi' yin. Ntwi' son se ye lisà' le m̀n ywie kǎn she d̀in. ¹⁷Ké nlim se byin ta kè ke nywi Yesù Kristò, à si wé sàtikǎ' shin se byin ta fe lè Mvènnswàb. 'Be wu fe' mun nùn, m̀n yé tòn lwen, ntwi' mvàb yém ye be sàtikǎ' se m̀n kònni ke sàtikǎ' shin nun, li, b̀wi' lè byin, b̀wi' ye dàli b̀wi' hwæn. ¹⁸Byin ku', beèni ku' lè ñlim lwen lè m̀n m̀ban, lè b̀wi' dalèni.

Timòtè bon lè Èpàflòdìtè

¹⁹Beshe Nyeli nye' Yesù Kristò yili, m̀n yé byin Timòtè fyi ñgyien, bǎ kwan se nun ywime fyònní, à shè ku' m̀n wé tà she byin ton, bǎ zwùm te' ku' m̀n ke nlim. ²⁰Mwum m̀bo' ndo' bǎn nyé b̀wi' cinni mè m̀bàkà' m̀ban b̀wi' lè nun, shi ku' be nun, Timòtè. À tá le' shin b̀akea ñzwònzwò'. ²¹B̀wùlukwǎn hwæn ta su' mè le' nyan ne' nyàmmi, be tà ka b̀akà' nywi ywum Yesù Kristò. ²²Ti lè Timòtè, byin limmi mè kíkǎn nlwukea nyon. 'B̀wi' lè nun, b̀wi' ciá Ntwum Lwen ken mbyí; à tà mun kpea lè she màzwùm wé tà she mwen tá ce nyon kpea. ²³Li, kwan se a ye be lè be linnà mè kǎ' byém, m̀n yili m̀n fyí byin nun m̀byimmi. ²⁴M̀n limmi seansean le beshe Nyeli nye' Yesù Kristò yili, m̀n ne' yé ku' ñin cì shin kwan kwǎ'.

²⁵A kònni tì ku' be le ñgyinni nyèm Èpàflòdìtè, mwum nyé byin fyiè le à kiin m̀n ywum ye be m̀n shi fe, b̀wi' lè nun, b̀wi' ciá she m̀banm̀ban, b̀wi' b̀olá she ñzwònzwò'. M̀n f̀keá jene le ñdikà' m̀n fyí nun be cì shin, ²⁶ntwi' se ñjè nyen yin tà nun kwènni ñzwònzwò'. Ñlim ta nun kwènni lè byin ntwi' se à limmi le byin ywà le nun kwènnà. ²⁷Lè lenkǎm, be lè à kwènnà. 'Be lè se nzwonme kwǎ' bǎ nun ywi, son, Mvènnswàb ne kwènnzi ñlim lè nun, à kimnzi nun; à su' kan ñlim kwènnzi lè nun, à kwènnzi tí ku' ñlim lè m̀n, ntwi' nun làkì m̀n vèné' ndo' kònni nywi. ²⁸Ke ntwi' màzwùm, ñlim ta mun su' d̀yi le m̀n fyòsì nun be cì shin m̀byimmi, bǎ kwan se byin ywime nun yenni, ñlim lwuka' byin. Ti lè m̀n, ñlim pyi ku' m̀n zwum. ²⁹Li, kwan se nun ywime b̀en, yèèni nun lwen, byin yé nun lè ñdàli ntwi' se nun ne ku' mwum Nyeli nye' Yesù Kristò. Twulèni pa' mwum se wé nun si, ³⁰ntwi' be lè à nzwonme kwǎ' bǎ nun ywi ke she Yesù Kristò nun. She se byin be b̀é cǎ, byin kpa' m̀n, son se nun ci, han à shinó' ywi ñganñgwu.

Mbyi ne tá mwum sannzi ke swi' Mvènnswàb

3 ¹Mè ñgyinni byém, m̀mlòkà' nzà' le' nyèm ni le byin dali ntwi' se byin bi b̀wum Nyeli nye' Yesù Kristò. Se ba m̀n nywi hwum lè

ìḡḡæti nzàè' le' ne mún kòá byin mbyí nún. Kwo fe' li, mún yen ma le à si lwen li ke cì shin. ²Son se mún le' le, cièni ló' kon lè ðwum bye wě ðwen mbyi' nyenea bye ta mè she mbyibbòa cì, ðe ta su' fòkà' le le' lwen se suku' ñdunnzi ñdùn. ³Be lè ñdunnzi ñdùn ye ñkàmḡkàm, à yi kyi. 'Bwi' ðe ta Mvènnswàèb keli lè ñkimmò' Mpùn Nsanmi, ðwi' twuli Yesù Kristò, ðwi' kè kan mwù ke yi ðè' ye ðwum ta gheka' nun, ðwi' ðe ti ðwum bye ðe ðunnzà ñdùn she ñkàmḡkàm ke swi' Mvènnswàèb, ða tì ðon. ⁴Yì ðè' màzwùm ðé ywum ñkàmḡkàm, mún kèè mwù ke nlim, ntwi' se ðeshe mwum ndò' shè le nun ni ke yi ðè' màzwùm nun ñwòli, mún limmi le mún ni nlim ñwòli, mún làn nun. ⁵Ñdunmi zwimbyi' yi le: mún ni seansean mwum Èbrú, se konndi ðe mún ni mwèn nyé ḡḡyò' Ìzràèl ke mvu ðwum Bèḡjàmèḡn nun. Kwan se ðe yee mún, mún wòle ḡḡyín nini ðe ðunnzi mún ñdùn. Ke mbyi me lwuà me Yudà nun, mún ðe Fàrizièḡ. ⁶Mún ðe mbyi ke mbyi mè Yudà nun, han mún ðe ma ðwum Yesù Kristò zæbsi. Mún ðe kán mè lwuà me Yudà ndò' lèan. Li, mún ðe kwan hwæn ñlwinni. ⁷Mún ðe fòkà' le ywum màzwùm wole kim ye kpa' mún, son jene, ke ntwi' Yesù Kristò, mún limmá le ywum pwìnpwìn ye ðe. ⁸Lè lèḡkàm, mún pèlâ fyà' lè ywum hwæn li, ntwi' nlimmi ye mún limmá Nyeli nyèm Yesù Kristò, ye lan ywum ye mbyí hwæn. Ke ntwi' yon nun kyishon, mún ðonnzà ywum hwæn. Mún tã ywum màzwùm cè jene wě ywum ye ðe swiâ twu', hwæn li, ðã mún ðe lè Yesù Kristò. ⁹Ba mðe ye fyà' fò', son, ðã mún ðeð' nun fya' gwùm. Mún ðã tì lè mðàkà' nshè ye le mún ni ñsanmi ke swi' Mvènnswàèb ntwi' se mún tã mè lwuà me Yudà ðwonnzi. Swum se ta mun fyòsi ñsanmi ke swi' shon, à si kè nlim se mún kè lè Yesù Kristò. Mvènnswàèb tã mun cè ñsanmi ntwi' kè nlim màzwùm. ¹⁰Swum se mún suku' yili ñzwònzò', à si le mún fòsi Yesù Kristò limmi, mún limmi tì ku' ñkimmò' yon, ñkimmò' ye nun lèan ywi nun. Mún yili mún yen ku' vèné' wě tã she nun yenne, ywi nyèm ðe ku' wě ñyon, ¹¹ðã ðeshe Mvènnswàèb yili, à yimnzi ku' mún wě tã she nun yimnze ku' Yesù Kristò.

¹²Mè le' ne mún le' hwæn ni, mún le' kan le mún lwinnzà ywum màzwùm hwæn, shindò' mún cinni kan tì byebbi, son, mún tã nywi kimnzi fya' ðã mun kwumndi mè le' màzwùm hwæn, a ðe nyèm, ntwi' mun ti mwum ne Yesù Kristò kwumndà nún. ¹³Mè ḡḡyinni byèm, mún tã byin shè le mðàkà' yèm ða le mún kwumndà mè le' màzwùm nún. Swum fò' se mún tã cì, à si le mún tã ka tì ñlim kè lè ywum ye mún ðe mbyí nlim. Mún tã nywi kimnzi lè mún kennò' mbyí ywum ye zwimbyi' nun. ¹⁴Mún tã lwùmnì lè kèn, ðã mun ðen mwu, mún yé ðàsi ne Mvènnswàèb tã mún lon lè nun ntwi' se mún ni mwum Yesù Kristò. Dàsi màzwùm ni ñtòn ye ðwi' ye tòn kwe ðèb ðwi' lè nun. ¹⁵'Bwi' ðe ti ðwum bye kwùm zwum yili ke le' Mvènnswàèb nun, se yili le ðwi' cinnèni pa' mðàkà' màzwùm. 'Beshe byindò' cinni mè mðàkà' nyé ðin ndò', Mvènnswàèb

ywime byin fòsi lisea le mè mbàkà' nyin bǎ ñlwukea. ¹⁶Swum fò' se bwi' ye cì su' le bwi' limmèni lè nyè mbyi ne bwi' ti nlim, ba bwi' fyôn be bwàb nun, bwi' kennèni mbyimbyí lè kwù kèn fò'.

¹⁷Mè ñgyinni byêm, dwoènni mè kwù kèn byêm, byin hwæn. Bwi' liseâ bwum mbòkì tòn nyè ñlwen. Dwoènni mè kwù byan, beshe byin yen le be cinni ku' mbòkì tòn mbò' lè bwi'. ¹⁸Bwum mèan ndò' bi kwe, mbòkì tòn nyan tǎ lisa' le à bi mè ci-byinnzi Yesù Kristò ne ywie ke ñgæ' mè bɔɔɔ' zwêm. Mùn ñætâ byin mè le' tòn ne kàmmi ti mèan, jene, mùn tǎ ti ló' byin nun shě lè mè dú' ke mæ'. ¹⁹Ke cì bwum màzwùm, m̀vènnswàb ndò' ba mbyí, a lan ku' mè mbàkà' nyan ne ke zwum shan nun, swum kwènnjin se bon ta cì se be ta fyôn bon ne' twuli nun, mè mbàkà' nyan tǎ su' kèn ke ywum ñgyò' wan nun. Ke mmlòkà' ñgyò' wan, M̀vènnswàb ywime ñzison nyan bwuli lè ntwi' màzwùm. ²⁰Ti lè bwi', ñgyò' ñkàmñkæm nyè' ni ke dɛb cɛ M̀vènnswàb, bwi' ta su' tòn lè m̀bònnḡà' Nyeli nyè' Yesù Kristò ne Ci-nswæti nyè'. ²¹Kwan se nun yě bɛn, à yě bwi' kwæ' nywi she bwi' cinni ñgyò' wan se yònnzi, se fyôn ku' kwæ' nywi she cinni ñtwu wě shon. À yě cì li lè ñkimmò' yon ye nun tǎ ywum hwæn kě ke me kwù nji.

Ywum ye Pól yili le ñkwìn bwum Yesù Kristò ye Fìlib ci

4 ¹Ke byin limmâ li, mè ñgyinni byêm, d̀yièni kimmi ke mbæti ye byin ti bæti lè Nyeli nyè' Yesù Kristò. Mùn yili byin ñzwɔnzwò', ñlim yêm ta su' d̀yi le mùn kònnɔ' ti byin yenni be, mùn tǎ dàli ntwi' yin, byin bi swum se lisa' le she shêm kwannzâ mwù.

²Ñzæ' le' ne mùn yili mùn she lè Èvòdî bon lè Sàntishî, à ni le mùn swuleâ bon, be ton ñwum fò' bon ke nyinnim shan nun, ntwi' se bon ti bæti lè Yesù Kristò. ³Mùn shè tì ku' lè lwikwæn she nyèm le à kpa' mè yib bî màzwùm, ntwi' se bwi' lè bon, bwi' bɔlâ lè vènè' ke nsannzi Ntwum Yesù Kristò lè bwum hwæn. Bwi' lè mè yib màzwùm, kònnɔ' lè Klèmân, lè bwùlukwæn ndò' tì ku', bwi' ciâ she fò' m̀banm̀ban lè bon hwæn li, mè myin nyan ti fya' M̀vènnswàb ke dèwǎ nzison nun.

⁴Dàlèni kwan hwæn ke mbæti ye byin ti bæti lè Nyeli nyè' Yesù Kristò nun, mùn tǎ ló' byin ñæti, dàlèni mè. ⁵Beèni flɔa ke swi' bwum hwæn, ntwi' se byin limmi le m̀bɛn Nyeli nyè' Yesù Kristò ti kwukwæ'. ⁶Ba byin fyon swum ndò' me nlim nyin nun, son, shèèni ywum hwæn ye ta byin shini lè M̀vènnswàb, be fe' yen, kelèni nun, byin yili tì ku' nun osòkò'. ⁷Beshe byin ci li, M̀vènnswàb yě byin flɔa fe, flɔa nyě lǎn ñlimmi bwum hwæn. Flɔa màzwùm yě mè nlim nyin, lè mè mbàkà' nyin bɔn ke nywi Yesù Kristò.

⁸Mè ñgyinni byêm, m̀mlòkà' nzæ' le' yêm yi le, kèèni mè nlim nyin ke nywi ywum ye d̀yi ñkàmñkæm ye woli ye cinni ñtwu wě ywum ye d̀yi leñkæm, ywum ye cinni ñkyìblǐ, ywum lwinnea, ywum sanmea, mè

le' myimmea, lè ywum lwukea ye ta mwum hwæn ndàli fe nlim. Ywum màzwùm hwæn li, fîkèàni lè yon kwan hwæn. ⁹Ywum ye mún lisae byin ye byin yilâ, kònddi lè ywum ye byin ywæ mún ke ñwum, kwo fe' ye byin yenne mún ke ncì, cièni ku' yon. Li, Mvènnswæb ne tã ßwum fïa fe yè byin ßôn.

Nyili osòkò' Pól lè ñkwìn ßwum Yesù Kristò ye Filib

¹⁰Mún ywã ndàli ke nywi Nyeli nye' Yesù Kristò ñzwònzwò', ntwi' se byin konndà tì fîkà' dyè lè mún. Mún limmâ leñkàm le byin ta le' shêm fîkea kwan hwæn, son, byin cinne kãn mbyi ñkpa' yêm. ¹¹Mún tà ka le' li ntwi' se mún ni ke shi' nun. Mún mènndà lè mè pa' tòn hwæn, ße fe' byebbi, lè lwèn, mún tã tòn, shikì mún fyon. ¹²Tòn se mún tã tòn kwan se mún ni ke shi' nun, mún limmi son, she mún tà ku' tòn kwan se mún ni ke we' nun, mún limmi tî ku' son hwæn. Mè pa' tòn màzwùm ti mún me' seansean; mún limmi mbyi ne mún ywime tòn ke nlim, mún hwumni kan kwo fe' she mún cinni swum ji, shindò' ñjè ne ta mún kwènni, mun shì fe' ywum cinni, kè mún ne cinni fe' mèan. ¹³Mún wòli mún làn mè pa' tòn hwæn lè ñkimmò' ye Yesù Kristò tà mun fe. ¹⁴Ke nyè màzwùm hwæn li, byin ciã lwèn ke mkpa' ye byin kpa' mún ke me vènè' nun. ¹⁵Byin ße ñkwìn ßwum Yesù Kristò ye ke Filib, byin limmi le kwan se ße ðunme Ntwum Yesù Kristò shè ke Mäsèdwân, byin ße ße mún su' kpea, a ken ßèn ke ñwai ye mún wai kwe. Byin ße ße ñkwìn ßwum Yesù Kristò ye ßwi' ße ywum fyikea nyinnim she'. ¹⁶Kwan se ße lè mún ke ke Tèsàlònikà, byin næmnze mún ywum ye ße mún shi kàmmi mèan. ¹⁷Se ßa le fe nyè byin ta mun fe ne su' mun ñlim lwu, son, mún tã dàli, ntwi' se mún limmi le Mvènnswæb yè byin ñgànni ke fe ne byin ta mun fe nun. ¹⁸Mún yennâ ywum ye byin næmnzi mún hwæn, ye lan tì fe' ye ße mún shi. Kwan se Èpàflòditè fe mun ywum ye nun ßenne lè yon, swum ndò' shi' kan tì mún. Ywum màzwùm yi wè sàtikæ' lwèn se Mvènnswæb tã yili, se ta nun ñlim lwukea ñzwònzwò'. ¹⁹Mvènnswæb cinni ñjònddi ndwun, ke ñjònddi nyon nun, à yè byin ywum hwæn ye ta byin shi fe fya' Yesù Kristò. ²⁰Ntwu ße lè Ce Ndwun nye' Mvènnswæb yì ðwùmdwùm mèan hwæn. **Àmèn.**

Mè hwæsi mmlòkà'

²¹Hwæsèni ßwum Yesù Kristò hwæn. Bye ßwi' ßi fe lè ßon hwæsi tì ku' byin. ²²ßwum Yesù Kristò bye mbyi hwæn hwæsi byin. Bye hwæsi byin ñzwònzwò' à ßi ßwum ßye ke ðwon mvèn ndwun Sèzâr.

²³Nyeli nye' Yesù Kristò ñgànni byin.